

四庫全書總目

上海大東書局印行

第二十五冊

- | | |
|--------|---------|
| 卷一百四十三 | 小說家類存目一 |
| 卷一百四十四 | 小說家類存目二 |
| 卷一百四十五 | 釋家類存目 |
| 卷一百四十六 | 道家類存目 |
| 卷一百四十七 | 道家類存目 |

欽定四庫全書總目卷一百四十三

子部五十三

小說家類存目一

燕丹子三卷

永樂大典本

不著撰人名氏所載皆燕太子丹事漢志法家有燕十事十篇註曰不知作者雜家有荆軻論五篇註曰司馬相如等論荆軻事無燕丹子之名至隋書經籍志始著錄於小說家唐李善註文選始援引其文是其書在唐以前又史記刺客列傳曰世言荆軻其稱太子丹之命天雨粟馬生角也太過其文見此書中而裴駰集解不引此書司馬貞索隱曰風俗通及論衡皆有此說仍云殿門木鳥生肉足也亦不引此書註家引書以在前者爲據知此書在應劭王充後矣史記正義引田光論良扶宋意秦舞陽事又引秦王乞聽琴事均作燕太子索隱引進金九喻馬肝等事亦作燕太子殆傳寫異文歟宋志尚著於錄至明遂佚故馬驕作釋史稱魯連子燕丹子之類或真或僞今皆亡其所輯秦事引燕丹子凡十條大抵本之文選註太平御覽諸書字句亦頗多舛異今檢永樂大典載有全本蓋明初尚存然其文實割裂諸書燕丹荆軻事雜綴而成其可信者已見史記其他多鄙誕不可信殊無足採謹仰遵聖訓附存其目隋志作一卷唐志宋志及文獻通考竝作三卷永樂大典所載併爲一卷而實作三篇故今仍以三卷著錄焉

漢雜事祕辛一卷

內府藏本

不著撰人名氏楊慎序稱得於安寧王知州萬氏沈德符敝帚軒剩語曰卽慎所僞作也敘漢桓帝靈德皇后被選及冊立之事其與史舛謬之處明胡震亨姚士粦二跋辨之甚詳其文淫豔亦類傳奇漢人無是體裁也

飛燕外傳一卷

內府藏本

舊本題漢伶元撰求有元自序稱字子潞水人由司空小吏歷三署刺守州郡爲淮南相其妾樊通德爲樊姬

弟子不周之子能道飛燕姊故事於是撰趙后別傳其文纖靡不類西漢人語序末又稱元爲河東都尉時尋班彪之從父躡故彪續史記不見收錄其文不相屬亦不類元所自言後又載桓譚語一則言更始二年劉棻得其書於茂陵下理建武二年賈子翔以示譚所稱埋藏之金縢漆匱者似不應如此之珍貴又載荀勗校書奏一篇中經簿所錄今不可考然所校他書無載助奏者何獨此書有之又首尾僅六十字亦無此體大抵皆出於依託且閭諱蝶發之狀嫵媚親狎無日聲理卽萬一竊得之亦無嫵媚爲通德續陳理其僞妄殆不疑也晁公武頗信之陳振孫雖有或云僞書之說而又云通德擁髻等事文士多用而禍水滅火之語司馬公載之通鑑夫文士引用不爲典據採渚方成語以入史自是通鑑之失乃援以證實是書紕繆殊甚且禍水滅火其語亦有可疑王慤竑白田雜書有漢火德考曰漢初用赤帝子之祥旗幟尚赤而自天下後仍襲秦舊故張蒼以爲水德孝文帝時公孫臣言當改用土德色尚黃其事未行至孝武帝改正朔色尚黃印章以五字則用公孫臣之說也王莽篡位自以黃帝之後當爲土德而用劉歆之說盡改從前相承之序以漢爲火德後漢重圖讖以赤伏符之文改用火德班固作志遂以著之高帝紀而後漢人作飛燕外傳案慤竑此語尚以此傳爲真出徐元益未詳考有禍水滅火之語不知前漢自王莽劉歆以前未有以漢爲火德者蓋其誤也云云據此則班固在莽歆之後沿誤尚爲有因渚方成在莽歆之前安得預有滅火之說其爲後人依託卽此二語亦可以見安得以通鑑誤引遂指爲真古書哉

案此書記飛燕姊妹始末實傳記之類然純爲小說家言不可入之於史部與漢武內傳諸書同一例也

大業拾遺記 卷二 蘇巡撫

江蘇巡撫

一名南部煙花錄舊本題唐顏師古撰末有跋語稱會昌中沙門志徹得之瓦棺寺閣乃隋書遺稿云云王得臣唐史稱其極惡可疑姚寬西溪叢語亦曰南部煙花錄文極俚俗又載陳後主詩云夕陽如有意偏向小窻明此乃唐人方域詩六朝語不如此唐藝文志所載煙花錄記幸廣陵事此本已亡故流俗僞作此書云云然則此亦僞本矣今觀下卷記幸月觀時與蕭后夜話有儂家事一切已託楊素了之語是時素死久矣師古豈疎謬至此乎其中

所載煬帝諸作及虞世南贈袁寶兒作明代顧六朝詩者往往採掇皆不攷之過也

海山記一卷述樓記一卷開河記一卷

江蘇巡撫
採進本

三書並載明吳琯古今逸史中不著撰人名氏海山記述隋煬帝西苑事所錄煬帝諸歌其詞乃唐李德裕所作望江南詞段安節樂府雜錄述其緣起甚詳大業中安有是體考劉斧青瑣高議後集載有此記分上下二篇其文較詳蓋宋人所依託此本刪併爲一卷益僞中之僞矣述樓記亦見青瑣高議載煬帝幸江都唐帝入京見述樓云云竟以述樓爲在長安乖謬殊甚開河記述麻叔謀開汴河事詞尤鄙俚皆近於委巷之傳奇同出依託不足道也

續世說十卷

兵部侍郎紀
助家藏本

舊本題唐隴西李廔撰前有俞安期序稱其書出自梁谿安茂卿以宋本翻雕未及印行而沒後三年安期復得焦竑藏本更爲校正成完書又稱其書唐志不經見通考所列續世說載宋至五代事者又孔平仲所撰實非此書何良俊撰語林文徵明爲作序王世貞又刪語林補世說皆不言曾見此書疑其贗作而終以宋本紙墨古關中關宋諱爲據今考其書惟取李延壽南北二史所載碎事依世說門目編之而增以博洽介紹兵策驍勇游戲釋教言驗志怪感動癡弄凶悖十一門別無異聞可資考據蓋卽安期輩依託爲之詭言宋本其序中所說之疑正以防後人之攻詰明代僞書往往如是所謂欲益而彌彰也

丁晉公談錄一卷

江蘇巡撫
採進本

不著撰人名氏皆述丁謂所談當代故事是公武讀書志以其出於洪州潘延之家疑卽延之所作延之謂甥也今觀所記謂事皆溢美而敘澶淵之事歸之天象一字不及寇準又載準挾嫌私改馮拯轉官文字事皆顛倒是非有乖公論卽未必延之所作其出於謂之餘黨更無疑義也然稱謂壽書軍精決真宗東封之行以爲美談則欲譽其才適彰其附合時局小人之情狀終有不能自掩者矣

殘本唐語林二卷

內府藏本

不著撰人名氏以永樂大典所載考之卽王謙之書佚其八卷耳前有明嘉靖間桐城齊之縉序亦稱所得非書本今已採掇永樂大典重爲補綴成帙別著於錄此殘缺之本已爲土世以其爲謙之原書久行於世故仍附存其目焉

昨夢錄一卷

編修程晉芳家藏本

宋康與之撰與之字伯可又字叔聞號退軒滑州人故自署曰箕山此書末有小傳乃稱爲嘉禾人蓋南渡後流寓也建炎初上中興十策爲汪伯彥黃潛善所抑不得用及秦檜當國乃附合求進擢爲臺郎復遂專以歌詞供奉廟身優伶之班大爲士論所不齒所撰願菴樂府五卷爲談藝者所輕世不甚傳今亦未見其本其僅存者惟是編皆追述北宋軼聞以生於滑臺目觀汴都之盛故以昨夢爲名所記黃河卷埽事竹牛角事老君廟畫壁事亦可資考證其西北邊城貯猛火油事遼史先有是說然疑皆傳聞附會終遼宋之世均未聞用此油火攻致勝且所產之地在高麗東高麗去中國至近亦不問產此異物也至開封尹李倫被攝事連篇累牘殆如傳奇又唐小說之末流益無取矣

談藪一卷

編修汪如藻家藏本

舊本題宋龐元英撰元英有文昌雜錄已著錄案元英爲宰相籍子乃元豐中人此書乃多述南宋寧理兩朝事相距百載其偽殆不足攻書中凡載雜事二十五條皆他說部所有殆書賈鈔合舊文詭立新目售僞於藏書之家者鷹鶚等南宋雜事詩註亦誤採之蓋偶未考然九仞明史藝文志作於康熙己未業已著錄則其僞作自前明矣

月河所聞集一卷

浙江范梈桂家天一閣藏本

宋莫君陳撰君陳湖州人其始末未詳書中稱授知婺州朝辭有劄子權刑部郎中則嘗以朝官典郡矣書中載

郭璞錢塘議則似在南渡之初而書中多載元祐事又有今左丞相叔之語考呂公著爲尚書左丞在哲宗即位之年則又及見北宋周密癸辛雜識記當時藏書家有月衡集氏或即其人歟所載皆當時雜事篇真寥寥且經寫謄脫幾不可讀蓋書賈從說郭鈔出非其完本矣

養疴漫筆一卷

編修汪如藻家藏本

宋趙清樸潛字元晉號冰壺葵之子也咸淳中嘗知建寧府是書雜記宋時瑣事末附醫方數條多摭摭他書而成如坦齋筆衡鶴林玉露瑞桂堂暇錄譚淵之類亦間註出處寥寥數頁殆非完書亦書賈復說部錄出託爲舊本者也

清夜錄一卷

浙江巡撫孫進本

宋俞文豹撰文豹有吹劍錄外集已著錄是編所記皆宋時雜事敘次頗叢雜亦多他書所已見陶宗儀說郭第三十八卷載有此書以此本相校僅多出二三條疑後人從說郭錄出而稍附益之未必盡原本也

翠屏筆談一卷

浙江范懋柱家天一閣藏本

舊本題王應龍撰不著時代其書多記詩話兼及神怪雜事亦小說家流然採摭穴僻絕無體例末一條獨有標題記開禧開邊實甚悉然以史文證之如金人封吳曦爲蜀王在開禧二年六月此書則在七月之類亦小有異同他如宋史開禧二年十一月金圍和州之後又破信陽軍又圍襄陽乃犯隨州此書於犯隨州之前脫去二事又宋史是年十二月金人圍德安府又破成州之後吳曦乃焚河池縣退屯青野原而是書於吳曦焚河池縣之前又脫去二事則亦傳聞舛漏之言不足盡據矣

朝野遺記一卷

編修程晉芳家藏本

舊本題宋無名氏撰載南渡後雜事稱寧宗爲今上而又有寧宗字又稱理宗爲今東宮頗爲不倫亦似雜採小說爲之書淳學海類編所收往往此類也

三朝野史一卷

編修程晉芳家藏本

舊本題宋無名氏撰記理度端三朝之事然書中稱大兵渡江賈似道出檄書又稱周有太后在上禪位於太祖宋亦有太后在上歸附於大元則元人作矣書僅十九條率他說部所有似雜摭成編之僞本然賈似道甲戌寒食一詩屬鶚宋詩紀事即據此採入所不可解豈亦如鄭景望詩之誤採蒙齋筆談乎

幽居錄三卷

浙江范懋柱家天一閣藏本

不著撰人名氏諸家書目亦多未著錄檢勘其書乃全載今本周密齊東野語第六卷至第十卷之文無一字異同惟次第稍有顛倒蓋書肆所僞託也

至正直記四卷

兩淮鹽政採進本

一曰靜齋類彙元孔齊撰齊字行素號靜齋曲阜人其父退之爲建康書掾因家溧陽元末又避兵居四明其仕履則未詳也是書亦陶宗儀輟耕錄之類所記頗多猥瑣中一條記元文宗皇后事已傷國體至其稱年老多蓄婢妾最爲人之不幸辱身喪家陷害子弟靡不有之吾家先人晚年亦坐此患則併播家醜矣所謂直記亦證父攘羊之直歟別一本題曰靜齋直記其文竝同惟分四卷爲五卷而削去各條目錄蓋曹溶學海類編所改竄也今附著於此不更存其目焉

冀越集記二卷

浙江巡撫採進本

元熊太古撰太古豐城人熊朋來之孫也登進士官至江西行省郎中至正末天下盜起太古力陳守禦計爲事者不能從遂棄官去入明後不仕而終此書自序題乙未歲爲至正十五年猶在元代所作也太古生平足跡半天下北涉灤河西泛洞庭東遊浙右南至交廣故舉南北所至以冀越名其集雜記見聞亦頗賅博明李時珍輩撰本草綱目頗援據之然記載每不甚確如元史天文志言郭守敬爲太史四海測量之所凡二十有七太古乃云奏遣使者十四輩分隸十四處殊未詳考又河源之說據翰林學士潘昂霄道士朱思本所記謂張騫所言乃

慈愷文川以今核之亦多妄傳失實也

農田餘話二卷

兩江總督
採進本

舊本題明長谷真逸撰不著名氏所記多元末及張士誠竊據時事中一條記至正壬辰紅巾入寇又一條記至正甲申流星墜地事皆所親歷則其人生於元末而下卷內一條稱正德庚午九月一日蘇臺張翼南伯志云云相距一百五十八年年月殊爲抵牾或後人有所增入歟

東園客談一卷

浙江范懋柱家
天一閣藏本

明孫道易撰道易字景周自號映雪老人華亭人其書皆錄名人嘉言懿行及近代聞見諸事以據當時友朋所書輯之故曰客談於每條下各標其名凡錢維善全思誠陶宗儀趙宣晉夏文彥夏願朱武郭亨邵煥孫中晉孫元鑄黃琦費園用楊孫李升曾樸竝道易其十七人多元之遺民也後有景泰丙子金鑾跋稱舊凡五十帙散佚不全幸存止此則已非完本矣

東園友聞一卷

編修程晉
芳家藏本

不著撰人名氏載曹溶學海類編中所錄皆宋元閒事核檢其文卽刪剽孫道易東園客談改題此名也

可齋雜記一卷

浙江巡撫
採進本

明彭時撰時字純道安福人正統戊辰進士第一官至文淵閣大學士謚文憲事蹟具明史本傳此書述其生平閱歷始正統乙丑在國子監肄業多稱李時勉善教事次敘廷試第一及入翰林事多陳慶兆禮祥及諸瑣事次記景泰初入內閣事所載英宗北狩額森內侵奪門復辟曹吉祥謀逆皆甚寥寥王文入相事獨詳敘周錢二太后竝尊及錢太后附廟事往返曲折甚悉蓋平生經濟在策項忠一事平生大節則在此一事證以本傳一一相合知非詭詞以自炫惟稱景泰初內外防禦以于謙陳循同功似非公論又記張英劉長子之冤以時方省親自家至京不及申救爲解然其後時在內閣亦未聞申摺功之誅正軌法之罪僅以筆記存公論殊無謂也時本賢

相始以此自識其過乎

方洲雜言一卷

浙江歸安
秦家藏本

明張寧撰寧字靖之方洲其號也海鹽人景泰甲戌進士官至給事中事蹟具明史本傳是書所述皆見聞瑣屑之事於登第夢兆記之尤詳頗近猥雜又祇二十餘則篇幅寥寥疑非足本也

塞齋瑣綴錄八卷

浙江范懋柱家
天一閣藏本

明尹直撰直有明良交泰錄已著錄是書所載多明代掌故於內閣九詳於同時仕宦黜陟恩怨報復之由亦頗縝悉而好惡之詞或所不免其醜詆吳與弼不遺餘力案明史儒林傳載與弼至京師李賢推之上坐以賓師禮事之編修尹直至令坐於側直大慍出卽劾與弼及與弼歸知府張瑣謁見不得大恚募人代其弟投牒訟與弼立遣吏攝之大加侮慢始遣還編修張元禎不知其始末遺書誚讓有上告素王正名討罪豈容先生久竊虛名語直復筆其事於瑣綴錄又言與弼跋扈京族諸自稱門下士士大夫用此訾與弼又載顧允成之言以爲好事者爲之然與弼求名太急實有矜心作意刻畫聖人之處觀其日錄約略可見直之所記當亦有所激而然歟其論續通鑑綱目一條謂宋太宗燭影斧聲之事由陳樞誤增李燾之文李燾又誤改文瑩之語則考證頗詳云

雙槐歲鈔十卷

浙江歸安
秦家藏本

明黃瑜撰朱國楨湧幢小品曰黃瑜字廷美香山人景泰丙子舉人長樂縣知縣有惠政以勁直棄官手植槐二構亭吟嘯其間自稱雙槐老人作雙槐歲鈔卽此本也所記洪武迄成化中事凡二百二十條黃虞稷千頃堂書目稱其孫佐以春坊諭德掌南京翰林院事於院堂書麓中得吳元年故簡因足成之案佐有目錄跋語則所補者爲洪武初科第及永樂庶吉士姓名二條是也其書首尾貫串在明人野史中頗有體要然亦多他書所載無甚異聞至於神怪報應之說無關典故者往往溢載亦未免失於裁翦矣

石田雜記一卷

編修程晉
芳家藏本

明沈周撰周字啟南長洲人以繪事名一時郡守欲以賢良薦周敏得遷之九五遂決意不出年八十三而卒事蹟具明史隱逸傳此編乃所記聞見雜事末有伍忠光跋稱先生化後二十餘年而是記存於糊工改紙之中手墨宛然疑卽先生絕筆友人何良輔持以示予因命工梓之云云蓋本叢殘手彙非有意於著書故所記頗涉瑣屑云

雙溪雜記 無卷數 兩淮鹽政採進本

不著撰人名氏案茲經籍志載雙溪雜記二卷王瓊撰續說郛所載亦題曰王瓊檢卷中所述竝自署其名曰瓊與二書所載合蓋卽瓊書矣瓊在當時以幹略稱所著晉溪奏議已著錄是編其雜記見聞之作也所載朝廷故事於宏治以前頗有稽核足與正史相參卽是非取予亦不甚刺謬至正嘉之閒則自任其私多所污瀆不可盡據爲實錄考明史本傳瓊督邊之功及薦王守仁以平宸濠其功固不可沒然平日與江彬錢寧等相比而與楊廷和彭澤等不協故記中於廷和與澤詆誣尤甚至於大禮一事曲徇世宗之意悉歸其過於廷和尤非定論矣

立齋閒錄四卷 浙江范懋村家天一閣藏本

明宋端儀撰端儀有考亭淵源錄已著錄是編雜錄明代故事自太祖吳元年迄於英宗天順皆採明人碑誌說部爲之與正史間有低梧體例亦冗雜無緒

寓園雜記十卷 浙江范懋村家天一閣藏本

明王銍撰銍字元禹別號夢蘇道人長洲人是書載明洪武迄正統閒朝野事蹟於吳中故實尤詳然多摭拾瑣屑無關考據

復齋日記二卷 浙江范懋村家天一閣藏本

明許浩撰浩有宋史闕幽書錄此書皆紀敘明初以來朝野事蹟與葉盛水東日記頗相出入前有自序題乙

卯滿節蓋宏治八年也其中如楊榮料敵于謙治兵汪直亂政諸條敘述頗詳然如謂王振初時閑邪納諫以成其廟盛德不爲無補則紕繆殊甚至於兒能成名妾不嫁良人瞶目黃泉下一詩乃明初高啟張節婦詞載於本集而以爲章綸之母所作亦失實也

野記四卷

浙江鮑士泰家藏本

明祝允明撰允明有蘇材小纂已著錄是書所記多委巷之談如記張太后遺詔復建文年號一事張朝瑞忠節記已辨之至謂永樂大典修輯未成而罷則他事失實可知朱孟震河上楮談亦稱允明所撰志怪及此書可信者百中無一云

前聞記一卷

浙江巡撫採進本

明祝允明撰是書雜載前明事實散無統紀大抵於所爲野記中別撮爲一書而小更其次第如野記載洪武三年二月命制四方平定巾二十四年又諭禮部侍郎張智申明巾義其下註云舊傳太祖召楊維禎問以所戴巾對曰四方平定巾而是書則取野記之小註爲正文後附以洪武三年二十四年事則辭義全複也又如野記載太祖聞危素履聲笑曰我只道是文天祥是書則曰我只道伯夷叔齊來或云文天祥蓋仍是一條而小變其語耳明人欲誇著述之富每以所著一書分爲數種往往似此不足詰也

明記略四卷

浙江范懋杜家天一閣藏本

明皇甫錄撰錄字世庸號近峯長洲人宏治丙辰進士官至順慶府知府明史皇甫淳傳稱父錄官重慶府知府案錄下陣紀談載順慶事甚詳則明史字誤是編據嘉靖士寅其子冲序稱原本多冗談細故命冲釐定於是原始要終撥洪拾大別爲四卷云云則錄之棄本而冲所刪定也所記皆正德以前舊聞然如鐵鉉二女在教坊作詩建文帝騎驢在滄國公第王振嘗爲教官永樂末以年滿無功見闕仁宗或云死於雷或云爲宮人所毒或云爲內官擊殺之類大抵委巷之傳聞其刪除猶有未盡矣

近事略略八卷

浙江鮑士恭家藏本

明皇甫錄撰此書亦其子冲所刪定於神官雜說採摭煩繁而考證全疎舛謬亦復不少如拾遺記介子推之自鷗龍城錄李賀之赤虬皆信爲實事又如楊溝事出古今注乃引霽雪錄爲始妻之父曰外舅文本爾雅而云始漢董承前進士見國史補而云出唐會要甘草苦草之說出師曠占而云出大戴禮他如以龍生九子爲出爾雅以李商隱樂游原詩爲王建以二喬爲妓皆不考之甚至於陳善捫竊新語記馬大師等在孔子上之類皆謬妄之語袁宗微客座新聞記元順帝爲瀛國公子之類亦誣罔之詞一概取之九穴監矣

下陣紀談二卷

浙江范懋柱天一閣藏本

明皇甫錄撰是書乃其守四川順慶府時所作或載時事或考前聞大抵皆有關於是地者也時值藍鄂之亂賊三犯順慶錄授兵固守以其登城則守陣下陣則著書故以下陣爲名末附三峽山水記一卷爲其子冲作冲字子浚嘉靖戊子舉人明史附見皇甫湜傳稱所著有幾策兵統枕戈雜言三書今皆未見惟此書附其父書以存

耳

延休堂漫錄三十六卷

浙江范懋柱天一閣藏本

明羅鳳撰鳳字子文號印岡應天人宏治丙辰進士官至石阡府知府此書徵引蒐輯頗爲繁富然或錄漢晉以來遺事而錯以有明或詳有明一朝人物典制而復泛摭前代古今混淆巨細錯雜此其失也又其所載明代事如謂劉基識天子氣之類皆雜取小說不足徵信惟辨袁忠徹符臺外集謂元順帝爲瀛國公子之謬謂瀛國公六歲降元至元世祖崩時年二十四元順帝生於延祐庚申其時瀛國五十矣設使真有感夢涉疑從釋奪后之事在世祖未崩之前其去順帝生時二三十年矣此論最善可以釋千古之疑也

翦勝野聞一卷

浙江范懋柱天一閣藏本

不著撰人名氏所記皆明太祖初年之事亦多互見他書陶珽續說邪黃虞稷千頃堂書目皆載此書題吳郡徐

楨卿著然明史楨卿本傳及藝文志俱不載書中所紀亦往往不經如謂徐達追元順帝將及之而達歸師常遇春愬於帝達入自疑拔劍斬關而出員齊東野人之語楨卿似未必至是也

玉堂漫筆三卷

內府藏本

明陸深撰深有南巡日錄已著錄是書乃在翰林時記其每日所得而於考核典故爲尤詳其載楊士奇子稷得罪爲出於陳循所構陷亦修史者所未詳也

金臺紀聞二卷

內府藏本

明陸深撰皆深官翰林時雜記正德乙酉至戊子四年中朝廷故事及友朋論說

春風堂隨筆一卷

編修顧守謙家藏本

明陸深撰雜記聞見凡二十三條末附所載欽視志一篇

知命錄一卷

編修顧守謙家藏本

明陸深撰蓋亦雜志之類而所記秦蜀山川名勝爲多乃深於嘉靖十三年赴四川左布政使任時途次所編也其曰知命者以初授陝漢道經揚州蜀岡異其名問之則曰由此可通蜀已而得入蜀之命追數先徵信由前定因以爲名

谿山餘話一卷

編修顧守謙家藏本

明陸深撰所記一時名臣如劉健章懋劉大夏遺事頗詳又多談閭事蓋其宦閩日所著也

願豐堂漫書一卷

編修顧守謙家藏本

明陸深撰深年譜載所著有願豐堂稿乃正德己巳成於家今此卷末載正德壬申過蘭谿謁章懋一事與年譜歲月不符蓋願豐堂稿乃其詩文此則所著說部也其書亦雜記故事傳及七條疑非完本

見聞考隨錄

無卷數 浙江范憲杜家天一閣藏本

明韓邦奇撰邦奇有易學啟蒙意見已著錄是書已載人所著苑洛集中此乃明人鈔出別本中多朱筆標識上
關又間加評語如胡守中結交郭勛一條則云傳聞之過甲申大同之變一條則云視各書所記爲詳確藩臬陸
遷一條則云銓法變自楊寔葢基別有說所論亦頗有見特不知出誰手也

碧里雜存一卷

兩江總督
採進本

明董穀撰穀有續淑浦志已著錄是書雜記瑣聞多齊東之語如謂明太祖作鈔用賢人心肝馬皇后鑿鷄鳴山
石礎望太學成祖飯素僧碧峰皆不近事理其以鄧衍爲漢儒亦殊疎舛甚至以禮部壁上所見讀書須努力寫
字莫糊塗之句爲雜之少陵集中亦不可辨尤不可解也

華野集聞一卷

編修程晉
芳家藏本

明伍餘福撰餘福有成化陝西志已著錄是書所紀僅二十條皆吳中故實聞及朝政末有其子忠光跋謂餘福
家食時所著後始於笥中檢出因鈐諸梓云

賢識錄一卷

浙江范堅柱家
天一閣藏本

明陸欽撰欽有山東通志已著錄此書皆紀洪武中雜事所採惟餘冬序錄野記客座新聞草木子諸書援據既
實事迹亦僅寥寥數則不足以當賢識之目

病逸漫記

無爲數
述德探進本
浙江

明陸欽撰是書雜記當時事實如明史高啟傳稱啟歸居青邱知府魏觀爲移其家旦夕延見甚歡觀以改修府
治獲譴帝見啟所作上梁文因發怒腰斬而是書則載啟因撰蘇州府上梁文爲巡按御史張度所奏與知府魏
觀俱被極典本傳不載張度之奏則是書爲加詳又明志載天子冠禮一加冕服皇太子乃三加初加折上巾次
加進賢冠次加冕服是書爲天子三加初折上巾次進賢冠三九旒冕則是欽猶及見天子三加與志所載皇子
儀同蓋志與成典而是書據往制也又若載三里河在天地壇前去通州五十里形高通州一丈九尺置一閘可

行舟但有一二走沙處大通橋去通州四十里形高通州五丈置十闌方可行舟今三里河潭塞與二閘不通是
苦猶可以備志乘之採然其他多冗瑣之談不盡足資考證也

孤樹哀談十卷

兩淮鹽政
採選本

明李默撰默有建陽人物傳已著錄是書錄有明事蹟起自洪武迄於正德所引用羣書凡三十種例則編年體
則小說大抵皆委巷之談考千頃堂書目以是書爲超可與作註云可與字念中安成人正德癸酉舉人福建鹽
運司提舉舊作李默誤也未審所據姑兩存之

吏隱錄二卷

浙江范憲杜家
天一閣藏本

明沈津撰津有鄞尉山志已著錄明有兩沈津知此爲蘇州沈津作者是編所載朝野逸事并及其先世善醫事
蹟蘇州沈津家世業醫正德中選入太醫院充唐壽醫正與之合也

北窗瑣語

無卷數 浙江范憲
杜家天一閣藏本

明余永麟撰永麟鄞縣人嘉靖戊子舉人官蘇州府通判書中敘日本出處土俗朝貢三事頗詳其餘紀載則頗
多失實如周岐鳳以邪術坐罪而永麟以爲索候跌宕力爲左袒又謂明太祖殺徐中山王達夫人太祖雖猜忌
殘忍何至如是殆近於無稽之談至所載淫辭瑣事更不足觀矣

螭頭密語一卷

兩江總督
採選本

舊本題明楊儀撰儀字夢羽常熟人嘉靖丙戌進士官至山東按察司副使其書雜記明代時事僅二十餘條而
語多不經如建文帝從隧道出亡仁宗中毒宣宗微行皆里巷無稽之談所誌孝宗武宗佚事尤涉鄙俚常熟志
載儀所著有南宮集高坡異纂獨無此書疑或出於僞託也

病榻遺言一卷

安徽巡撫
採選本

明高拱撰拱有春秋正旨已著錄是編備述與張居正先後構隙之端一曰顧命紀事一曰矛盾原由三曰毒害

深謀以史考之亦不盡實錄

名世類苑四十六卷

浙江朱彝尊家藏本

明凌迪知撰迪知有左國牋詞已著錄是編採洪武迄嘉靖凡十朝名臣彙集成編其前四卷先紀姓氏爵里系以論贊後四十二卷列其言行分爲九類每類之中又各爲小目先是楊廉輯名臣言行錄其後徐咸有名臣後錄鄭曉吾學編有名臣紀沈應魁有名臣新編迪知哀合諸本排纂成書正德以前凡二百七十一人嘉靖間三十二人則迪知撰諸書以補之而建文末忠臣八十二人附焉敘述名臣類乎傳記而斷裂分隸非人自爲傳又兼及神異詠諧定數之類體雜小說故附之小說家焉

通訓二十卷

兩淮馬裕家藏本

明方學漸撰學漸有桐華已著錄是書專載其鄉人物行誼及其先世事之可爲法者以近在桑梓故名通訓凡分四十一類門目繁碎雜事亦不詳所出

西吳里語四卷

浙江巡撫採進本

明宋雷撰雷自號市隱居士湖州人是鄉成於嘉靖中皆記吳興軼事前有自序謂予夙好博覽史傳兼載稗官小說之書不列歲代不序倫理信手雜錄間有犯孔氏不語之戒踵史臣譌謬遺亡之失冀就正於觀者云云故其書隨筆據錄皆不著所出亦多涉荒誕不盡可信後有其子鑒跋蓋雷既歿後鑒所哀集而付諸梓者也

明朝典故輯遺二十卷

浙江巡撫採進本

不著撰人名氏雜記洪武至正德十朝事前有自序作於嘉靖三十二年自稱東吳逸史又附載魯宗人當湖序一首案當湖本輯有國朝典故疑此卽從當湖書採掇而成大抵叢脞龐雜全無義例其紀明太祖徵行爲巡軍所拘諸事已屬不經至以明宣宗爲建文之子更爲荒誕也

吳社編一卷

浙江孫仰曾家藏本

明王穉登撰釋登有吳郡丹青志已著錄是書專紀吳中里社之事其神名五方賢聖乃淫祀之尤者而謂本於搜神記殊屬附會不經所列走會拾會諸條亦徵風俗之弊未附顧文龍書謂穉登是編有悞時之懷先事之慮然鋪張太過不免諷一而勸百矣

筆記一卷

江蘇巡撫採進本

明連鐸撰鐸字抑武常熟人嘉靖中官安陸縣知縣茲編就其生平間見隨筆紀載其目曰兩京舊聞曰先輩故實曰鄉邑舊事曰宦游約紀曰隨手筆餘卷末附以倭蠻紀略九則頗多傳聞失實之詞不足據為徵信也

世說新語補四卷

江蘇巡撫採進本

舊本題明何良俊撰補王世貞刪定良俊有四友齋叢說世貞有弁山堂別集皆已著錄前有康熙丙辰富陽章紱序稱雲間何元朗仿世說新語為語林甚為當時所稱但其詞錯出王弼州麟州又取而刪定之改名世說新語補幾百年來梨棗不啻數十易惟吳興凌初成原刻悉遵古本分為六卷附以王世貞所訂名曰鼓吹云云良俊語林三十卷於漢晉之事全採世說新語而摭他書以附益之本非補世說新語亦無世說補之名凌濛初刊劉義慶書始取語林所載削去與義慶書重見者別立此名託之世貞蓋明世作偽之習紱從而信之殊為不考然紱序字句鄙倍詞意不相貫屬疑亦出書賈依託觀其所刊目錄列補編於前列原書於後而三十六門之名一頁中重見疊出不差一字豈識黑白者所為哉

樊川叢話八卷

浙江巡撫採進本

明姜兆熊撰兆熊字恂如歸安人是編皆紀錄雜事分朝廟山川考證詩話閨秀仙釋怪異數驗入門每門僅十餘條樊川即樊澤里在湖州府城東乃兆熊世居之地也

西齋漫記六卷

浙江巡撫採進本

明蔣以化撰以化字仲學常熟人隆慶丁卯舉人官至監察御史是書雜記見聞多及僻逸幽怪之事其紀李